

Program Subsidi Petrol dilaksana 1 Januari 2020

Bernama | Oktober 07, 2019 14:00 +08



Dijangka seramai 2.9 juta bakal menerima manfaat daripada program subsidi tersebut. - Gambar hiasan/BERNAMA

PUTRAJAYA: Program Subsidi Petrol akan dilaksanakan pada 1 Januari 2020, kata Menteri Perdagangan Dalam Negeri dan Hal Ehwal Pengguna Datuk Seri Saifuddin Nasution Ismail.

Melalui program itu, kerajaan akan menyalurkan bantuan tunai yang akan dikreditkan terus ke akaun penerima setiap empat bulan sekali, katanya.

Kadar subsidi adalah sebanyak RM30 sebulan bagi kereta dan RM12 sebulan bagi motosikal, katanya pada sidang media mengenai Program Subsidi Petrol di sini hari ini.

Dijangka seramai 2.9 juta bakal menerima manfaat daripada program subsidi tersebut, katanya.

--BERNAMA